

BUFAKAZI BEKUVUKA EKUFENI

 [UMnaketfu Orman Neville ufundza Lukha 24:1-32-Umhl.]

[*Manje ngelusuku lwekucala lweliviki, ekuseni kakhulu, befika ethuneni, baletse emakha lebebawalungisile, nalabanye labatsite bakanye nabo.*]

[*Futsi batfola litje ligicitiwe lesuka ethuneni.*]

[*Futsi bangena, futsi abawutfolanga umtimba weNkhosi Jesu.*]

[*Kwase kuyenteka, lapho basemangele kakhulu khona lapho, bheka, emadvodza lamabili ema ngakubo embetse tingubo leticuebetelako.*]

[*Futsi lapho basetfukile, futsi bakhotsamisela buso babo emhlabatsini, atsi kubo, Kungani nifune lophilako emkhatsini walabafile na?*]

[*Akekho lapha, kodvwa uvukile: khumbulani kutsi wakhulumana kanjani kini ngesikhatsi aseGalile,*]

[*Atsi, INdvodzana yemuntfu ifanele inikelwe etandleni temadvodza latoni, futsi ibetselwe, bese ngelusuku lwasitsatfu iyavuka futsi.*]

[*Futsi bawakhumbula emavi akhe,*]

[*Nasebabuyile ethuneni, futsi basho tonkhe letintfo leti kulabalishumi nakunye, nakubo bonkhe lalabanye.*]

[*KwakunguMariya Magdalena, naJwana, naMariya unina waJakobe, nalabanye besifazane lebebanabo, labakhulumana letintfo leti kubaphostoli.*]

[*Nemavi abo abonakala kubo kungatsi tinganekwane nje, futsi ababakholwanga.*]

[*Wase ke uyasukuma Phetro, futsi wagijimela ethuneni; futsi agobondzela, wabona tindvwangu telineni tihleli todvwana, futsi wesuka wahamba, atibuta ngekwakhe ngaloko lokwakwentekile.*]

[*Futsi, bukani, lababili babo bahamba ngalolosuku lolufanako baya esigodzini lekutsiwa yi-Emawuse, lokwakungemakhilomitha cishe lalishumi nakubili kusuka eJerusalema.*]

[*Futsi bebakhulumisana kanye kanye ngatotonkhe letintfo leti letentekile.*]

[*Kwase kuyenteka, kutsi, lapho basacoca ndzawonye futsi bazindla, Jesu cobolwakhe wasondzela, futsi wahamba nabo.*]

[Kodvwa emehlo abo abebambekile kutsi bangamati.]

[Wase utsi kubo, Tindzaba tini leti lenikhuluma ngato lomunye kulomunye, nisahamba, futsi nidzabukile?]

[Futsi lomunye wabo, lokwakungu Kleyophase ligama lakhe, aphendvula watsi kuye, Ngabe wena wedvwa usihambi la Jerusalema, futsi awukatati letintfo letentekile lapho kuletinsuku leti?]

[Wase utsi kubo, Tintfo tini? Base batsi kuye, Mayelana na Jesu wase Nazaretha, lobekangum profethi lonemandla ngesento nangelivi embikwa Nkulunkulu nabobonkhe bantfu:]

[Nekutsi baphristi labakhulu nebabusi betfu bamkhaphele kutsi alahlwe ngelicala kutsi abulawe, futsi bambetsele esiphambanweni.]

[Kodvwa tsine besetsembe kutsi bekunguye lobekatohlenka Israyeli: futsi ngaphandle kwako konkhe loku, namuhla sekulusuku lweisitsatfu letintfo leti tentiwe.]

[Ya, nebesifazane labatsite bakitsi basimangalisile, lebebaye ethuneni ekuseni;]

[Futsi ngesikhatsi bangawutfoli umtimba wakhe, befire, basho, kutsi babone nembono futsi wetingelosi, letitsite uyaphila.]

[Futsi labanye babo lebebakanye natsi baya ethuneni, futsi bakutfoli vele kunjalo njengoba bashito labesifazane: kepha yena mbamba abakamboni.]

[Wase utsi kubo, O nine tiwula, leninebulukhuni enhlitiyweni kukholwa loko baprofethi labakushito:]

[Khristu bekangakameli yini kuhlupheka ngaletintfo leti, nekungena enkhatalimulweni yakhe na?]

[Futsi acala ku Mosi nabobonkhe baprofethi, wabachazela kuyo yonkhe imibhalo ngetintfo leticondzene naye.]

[Bese basondzela esigodzini sendzawo, lebebaya kuso: yena washaya kungatsi wendlulela embili.]

[Kodvwa bamcengisisa, batsi, Hlala natsi: ngoba sekuya ngasekuhlweni, nelusuku selishonile. Futsi wangena kuyohlala nabo.]

[Kwase kuyenteka, lapho asehleti nabo ekudleni, watsatsa sinkhwa, wase uyasibusisa, wase uyasihlephula, wase uyabanika.]

[Nemehlo abo avuleka, futsi bamati; wase uyanyamalala emehlwani abo.]

[*Futsi batsi lomunye kulomunye, Inhlitiyo yetfu
beyingavutsi yini ngekhatsi kwetfu, ngesikhatsi
asakhuluma natsi ngendlela, futsi asasivulela imibhalo
na?*]

² Ngiyabonga, Mnaketfu Neville. Ne “Sanibonani kusihlwa,” kini nonkhe.

³ Kube lusuku lolukhulu kimi, namuhla. Libelukhulu ngetindlela letinengi. Ngoba, ngitse kukhula kancane, namuhla, ngako kulenta lube lukhudlwana, futsi ngita emnyakeni lomkhulu. Kodvwa ngi... Kube lusuku lolukhulu ngoba liPhasika. Futsi, ke, lusuku lolukhulu ngoba kukhona lokwentekile kimi namuhla, lenginako, angeke ngize ngikhohlwe. Bekusifiso lesivila enhlitiyweni yami. Kutsi ngi...

⁴ Yonkhe imphilo yami ngitibute ngetintfo, futsi kungani ngatalelwa kulumhlabo.

⁵ Khona-ke bengicabanga nje, manje ekuseni, ngesikhatsi ngikhuluma ngaMosi. Futsi, yena, yini lefanele kutsi yefika emcondvwensi wakhe ngesikhatsi afundza kutsi bekangumHebheru! Kungani Nkulunkulu ake amvumele kutsi akhuliswe esigodlwensi saFaro, bese-ke utsatsa indzawo, indzawo lengemuva kwelugwadvule, kutfola kutsi bekatokwentani emphilweni na?

⁶ Futsi bengihlala njalo ngitibuta, ngisesengumfana, kutsi Nkulunkulu wakwenta kanjani, etinsukwini tasekucaleni, bekakadze akhuluma nami. Khona-ke ngiyatibuta kutsi kungani Avumela lesositfombe kutsi sitfwetjulwe. Ngiyatibuta kutsi kungani Akwenta ejAlimane naseFinland. Ngibeloku ngitibuta kutsi kungani tonkhe letintfo leti tentekile. Ngeke nje sengikholwe kutsi bekungenca yekutsi... Ngoba, angisuye umshumayeli; anginayo imfundvo. Anginalo likhono lekuba ngumshumayeli. Kufanele kube yintfo letsite leyehlukile. Ngikholwa kutsi bantfu baNkulunkulu basebugcilini. Ngikholwa kutsi basebugcilini ngenca yelisiko lemuntfu. Futsi, namuhla, sinemashumi etinkhulungwane letifako nsuku tonkhe, netifo isayensi yetekwelapha lengeke ikhone kutitsintsia, futsi babantfwana baNkulunkulu. Futsi ngiyakholwa... Ngi-ningahle ngingaphili kutsi ngikubone. Kodvwa ngikholwa kutsi kuta li-awa, futsi loko kungahle kutsi madvute nje, kutsi Nkulunkulu utokwenta intfo letsite ngalendlela, kufakazela kutsi Usenguye Nkulunkulu Somandla. Ngi—ngiyakukholwa. Ngikubonile, esilinganisweni, kodvwa ngikholwa kutsi kwakusilinganiso lesincane kuloko lesitokubona.

Manje, ngitohamba, ekuseni, sikhatsi lesincane sekuphumula.

⁷ Lokukutsi, mine, namuhla, mine kulawomanti... Ngibhabhatisile, tikhatsi letinengi, kodvwa ngiyabandza kakhulu namuhla kunalengake ngakwenta emphilweni yami.

Ngibandze kakhulu bengingakhoni ngisho nekukhulum. Kwakungenca nje yeku “ngativa kahle.” Bengisolo ngihamba kusukela ngaKhisimusi, noma nje ngco emvakwaKhisimusi, kute ngisho busuku bekuphumula. Futsi anginawo umkhuhlane lomubi, kodvwa nje ngibutsakatsaka futsi angitiva kahle.

⁸ Ngija entasi echibini, kusasa, uma iNkhosi itsandza, kutsatsa tinsuku letimbala tekuphumula. Ngitobuya, iNkhosi itsandza, etinsukwini letimbala. Futsi sitohlangana ndzawonye futsi, ngaphambi kwekutsi ngiphume etinkonzweni, Nkulunkulu atsandza, lokucishe kube lishumi, cishe tinsuku lettingemashumi lamabili kusukela manje.

⁹ Bese-ke ngibuyela emuva, ngenyanga legcwele, eNew England states. Ngibuye...Leyo yinyanga yonkhe yeNkhwehweti, netinsuku letimbili, tinsuku letimbili noma letintsatfu ngiphumulile.

¹⁰ Bese kutsi-ke kusukela lapho, kulukhuni kutsi ngibe nalokunengi, cishe tinsuku letisihlanu, ngize ngiye e-Africa. Loko kukuyo yonkhe inyanga yeNhlabo.

¹¹ Futsi kutobamatima. Ngitotsembela kulelibandla lelincane, labantfu laba, bangikhulekela; ngoba ngilidzinga, ngilidzinga kabi kabi.

¹² Futsi, niyati, akekho longayuze ati, ngakuloluhlangotsi lweNkhatimulo, kutsi konkhe lobekungiko, nekutsi kushikashikeka kanjani lengidzingeka ngendlule kuko. Angikutjeli bantfu. Asikho sidzingo sekukusho kubantfu. Abakucondzanga. Kanjalo nami angikucondzi. Kuyintfo letsite nje, chubeka nje, chubekela embili nje.

¹³ Manje, kuze kutsi labantfu labemile ngeke badzingeke kutsi beme sikhatsi lesidze kakhulu, ngikhetsi sihloko, kusihlwa, lesihloko lesi, njengoba uMnaketfu Neville asandza kufundza nje Lukha 24, sekuvuka. Sifundvo sami kusihlwa sitsi: *Bufakazi Bekuvuka Ekufeni*. Futsi manje, asafundza, bekunetintfo letinengana Lakhulume ngato, lapha, lengitotsandza kutsatsisela kuto. Futsi loko kutsi, kwekucala, kutsi laba labaya ethuneni, kucala, ekuseni.

¹⁴ Manje, akunandzaba kutsi Wafa kangakanani, nekutsi kufa kwaKhe kwakuhawukisa kanjani, kube bekungekho kuvuka ekufeni, Bekangumuntfu nje lowafa. Niyabona na?

¹⁵ Kunemadvodza lamanengi lamakhulu eveni lakitsi—lakitsi, latsi ente tintfo letinkhulu.

¹⁶ Kwenta sibonelo nje, Confusius, sati sekudzabuka kwetintfo lesikhulu saseShayina, wafa cishe iminyaka lengemakhulu langemashumi lamabili nakutsatfu leyendlula.

¹⁷ Bhuda, umphrofethi-nkulunkulu lomkhulu waseJapani, naye wafa cishe eminyakeni lengemakhulu langemashumi

lamabili nakutsatfu leyendlula; wenta titatimende letinkhulu, kovwa wafa. Futsi solo usethuneni.

¹⁸ Nango Mohamedi, inhlanhla yekuba sethuneni lakhe, lapho, iminyaka letinkhulungwane letimbili, lihashi lelimhlophe lime ethuneni lakhe; bantjintja bogadzi ema-awa lamane, bamlindzele kutsi avuke ngalelinye lilanga, futsi aligibebe ewuke nemhlaba, futsi awuncobe. Baka Mohamedi, lokuyinkholo lenkhulu kunato tonkhe ngesibalo, emhlabeni. Bendlula ngesibalo onkhe emaKhristu, emaKhatolika, ahlanganiswe ndzawonye. Kodvwa, noko, Mohamede usethuneni.

¹⁹ Futsi tonkhe letinkholo leti, uma sisho loko, “Jesu uvusiwe kulabofile,” batsi, “Kufakazele.” Futsi sitsi, “Yebo-ke, Usenhlitiywani yetfu.” Batsi bacambi babo usenhlitiywani.

²⁰ Kodvwa ngijabula kakhulu kutsi Jesu wasishiyela lelicinile, sisikelo selidvwala sekuvuka kwaKhe. Asidzingi kutibuta. KuliCiniso. Intfo lemangalisako kutsi, kutsi, bantfu labanengi kakhulu abakuboni. Futsi ngike ngakubuta loko. Futsi, kusihlwa, ngitotama kusondzela kuko ngemBhalo.

²¹ Manje, uma nicaphela, laba bebasethuneni, ekuseni ngeluvivi. Bahlangana nemaDvodza lamabili, lebekatingelosi ticwebetela, atsi kubo kutsi Beka... “Kungani nifune lophilako—lophilako emkhatsini walabofile?” Bekiye ethuneni futsi batfola kutsi Bekangekho lapho. Futsi Babuta lombuto lonakekako, “Kungani nifuna lophilako emkhatsini walabofile na? Futsi Watsi, ngesikhatsi... Letintfo leti Lanitjela tona, ngesikhtasi AseseGalile.”

²² Manje, mhlawumbe ningahle nje nifundze ngetulu kwaloko, kovwa ake sikudadishe loko umzuzwana. Watsi, “Wanitjela letintfo leti ngesikhatsi AseseGalile.” Abakucondzanga ngani? Abakutfolanga ngani?

²³ Futsi naku lokunye lokubalulekile lokukhulu kuko, kutsi, Laba labamtjela loku, noma labatjela labafundzi laba, bebasethuneni. Bafanele kutsi bebakadze banaYe futsi eGalile, ngoba Bebatyi kutsi Jesu bekabatjele ini ngaphambii kwekubetselwa kwaKhe. O, intfo lebusiswe kanje pho! Niyabona, labobafundzi bebangati kutsi letotiNgelosi tatiapho, kovwa Bebakbona ngalokusobala, ngoba Batsi, “Akanitjelanga yini loku AseseGalile na?”

²⁴ Futsi loko kugewalisila loko lokwashiwo ngumBhalo, kutsi, “TiNgelosi taNkulunkulu tibahacile labo labaMesabako.”

²⁵ Futsi kuyintfo lenkhulu kanjani pho, kwati loko, kusihlwa, khona ngco kulesakhiwo, kunetiNgelosi taNkulunkulu time tishaye indesheni. Futsi Tati lonkhe livi lesilishoko, nako konkhe lesikwentako.

²⁶ Futsi nabu bufakazi bemBhalo ngako. Watsi, “Akazange yini Anitjele letintfo leti AseseGalile na?” Watsi, “Khumbulani kutsi

Unitjelile letintfo leti.” Lelogama, “khumbulani,” lelo ligama lelimangalisako.

²⁷ Futsi, o, intfo ledzabukisa kanje pho leyoba ngiko kulabalahlekile, kutsi emvakwekuba sebabeku lumphawu lekulahlwa kwabo, futsi emvakwekuba sebayivile inshumayelo yabo yekugcina, nekutsi bawelele esihogweni sadeveli, balahlekile, futsi kungekho tfuba nhlobo kutsi baphendvuke; kukhumbula ematfuba labawalile.

²⁸ Wena utsi kimi, ke, “Mshumayeli, ngabe ikhona yini inkhumbulo esihogweni na?” Jesu watsi beyikhona. Watsi lesicebi lesaphakamisa emehlo aso, esihogweni, futsi sabona Abrahama, na Lazaru esifubeni saKhe. “Futsi watsi, ‘Khumbula, emphilweni yakho yonkhe . . .’” Kukhona inkhumbulo.

²⁹ Futsi kanjani, labalahlekile, intfo lembi kabi kanjani pho leyobanjalo, kwati kutsi imihlangano lemikhulu lebebahleti kuyo, futsi bebativile tinshumayelo letinemandla tebafundisi labagcotjiwe baNkulunkulu; futsi akusiko loko kuphela, kodvwa kubona tibonakaliso letigcotjiwe netimanga Nkulunkulu lebekatentile emkhatsini webantfu; bese-ke kukhumbula tonkhe letecwayiso leti, kepha ulahleke nomakunjalo. Ngani, bekungabahlupha ingunaphakadze.

³⁰ Emvakwekuwa kwaJesu, liBhayibheli liyasitjela, kutsi, “Wahamba wayoshumayela emiphefumulweni lebeyisekuboshweni, lengaphendvukanga ekubeketeleni kwetinsuku taNowa.” Nekuletsa enkhumbulweni yabo kutsi Nowa, na-Enoki, nebagprofethi labakhulu betinsuku tabo, bafakaza kutsi kwakuta Mesiya, futsi bawala uMlayeto.

³¹ O, kuyoba yintfo lesabekako, mngani wami lolahlekile, kuwe, ngalolosuku, kutsi ukhumbule. Uma ufa, lapha, imisebenti yakho iyakulandzela. Futsi kusekhatsi kwekutsi iyonihlupha eliPhakadzeni, noma inibusise eliPhakadzeni.

³² Kodvwa, khumbulani, kufanele kutsi kuyintfo lenkhulu kanjani pho, nenjabulo, kulabo labasindzisiwe, futsi singaletsa, kubhekana nemaciniso, letiNgelosi leti letisesakhiweni kusihlwa, kutsi siletse kutsi sikhumbule tinkonzo letinkhulu netikhatsi letinkhulu, nenjabulo lenkhulu lesibe nayo ndzawonye. Kufanele kubesikhatsi lesinjalo lesiwahlalele, sawo omabili lamacembu, omabili labasindzisiwe nalabangakasindziswa!

³³ Nkulunkulu unguNkulunkulu lolungile. Unekubeketela! Ugcwele kakhulu bumnen, nekutfobeka, nekubeketela! “Akatsandzi kutsi kubhubhe namunye.” Futsi Wente konkhe lokungentiwa, kuvimbela bantfu kutsi babhubhe. Kodvwa bayobhubha, nomakanjani, ngoba abakholwa.

³⁴ Manje, sitsatsa kudadisha kwetfu, kusihlwa, kubona emadvodza lamabili, emvakwekuvuka. Futsi labanengi bebefikile futsi bacoca ngelithuna lelingenatalfo, bebatsite

umtimba waKhe wawungekho lapho. Futsi labanye besifazane bebatsite babone umbono wetiNgelosi, letibatjele kutsi, "Bekavukile kulabafile." Futsi, noko, ngawo wonkhe lomlayeto, noko labantfu laba abakholwanga, futsi baphela emandla, babuyela ekhaya.

³⁵ Nekucabanga ngekutsi, ngeliPhasika lekucala, intfwasahlobo yekucala lenhle ngeliPhasika ekuseni, Jesu aphila emkhatsini webantfu, futsi laba basachubeka bahamba, baphele emandla, bahamba ngemgwaco, netinhlitiyo letidzabukile, futsi bebaphatamisekile ngekubetselwa. Futsi lapho basahamba, sitfola kutsi kwakukhona uMuntfu lotsite Lowaphuma ecele ni kwemgwaco wase ucala kuhamba nabo. Futsi bebangati kutsi BekanguBani, ngoba umBhalo utsi emehlo abo bekabambekile.

³⁶ O, naku lapho ngifuna nibone khona. Akusiko kuphela kutsi lentfo leyenteka, kodvwa kwakusiprofetho, nesitfunti sentfo letsite leyayitokwenteka.

³⁷ Niyati, iNkhosi yetfu lebusisiwe ayizange yente noma yini kutsi nje uyatichayisa ngako. Yonkhe intfo Leyayenta yaba nenchazelo. Yonkhe intfo Layenta yayiphakadze; ayizange ife; konkhe kunyakata, konkhe kuhamba, lonkhe Livi. O, ngijabula kakhulu ngaloko. Ungabetsela kuko nje, ngako konkhe lokukuwe, futsi kutobonakaliswa.

³⁸ Futsi lapho basahambisana endleleni, iNdvodza lengakejwayeleki yaphuma. Futsi bona, Wa—Watsi kubo, "Nidzabukiswe yini kangaka na?" Bafanele bajabule. Watsi, "Nidzabukiswe yini kangaka na? Futsi yini lengcogco lenikhulumna ngayo na?" Futsi Watsi . . .

³⁹ Batsi emuva kuYe, "Ngabe Usihambi ngaseJerusalem na? Awutati letintfo lebetenteka na? BesinemPhrofethi ngeliGama laJesu waseNazaretha. Futsi besiMetsema, kutsi Bekatoba nguMkhululi. Kodvwa lolu lusuku lwesitsatfu; nebantfu betfu baMbetsela."

⁴⁰ Futsi bacala kucoca lendzaba yaloko lokwakwentekile, kutsi Bekafe kanjani, kutsi bebaMlindzele kanjani kutsi abe nguMkhululi lomkhulu, kodvwa kutsi lowomProfethi waNkulunkulu loNgetulu kwakokonkhe bekangema kanjani lapho ngekudzabuka, nesikhwehlele ebusweni baKhe, futsi wavumela lisotja libeke sicephu enhloko yaKhe, futsi limbonye emehlo aKhe, futsi liMshaya enhloko ngendvuku, futsi utsi, "Manje profetha, Wena loprofethako, futsi usitjele kutsi ngubani loKushayile. SitoKukholwa." Loko kwakungetulu kwekutsi bantfu bacondze. Bebacabanga kutsi Mesiya bekatoba yintfo letsite leyehlukile kuloko.

⁴¹ Futsi uma leso kungesiso sitfombe seliciniso, namuhla. Bantfu balindzele uMbuso waNkulunkulu kutsi wehluke kunaloko Longiko sibili. BaWulindzele kutsi ufike ebuhleni lobukhulu. BaWulindzele kutsi uphile edolobheni laseVatican

noma lenye ikhathedrali lenkhulu. Kodvwa ngoba UWuletsa emkhatsini wesicuku salabaphuyile, labangakafundzi, bantfu labanenhltiyo letitfobole, Kuphumphutsekisa emehlo alabahlakaniphile nalabanekuondza.

⁴² O, kuhlekisa lokunje pho kulowo wesifazane kutsi amtsatse futsi ahlekise, ageza tinyawo taKhe ngetinwele takhe, njengoba likholwa leliciniso lalementile. Kuhhalatisa lokunje pho kuMbona alenga lapho esiphambanweni, netandla taKhe tishayelwe esiphambanweni, nekuva umphristi lomkhulu, watsi, "Manje, uma UyiNdvodzana yaNkulunkulu, yenta ummangaliso lapha. Vele nje udvonse tandla taKho tikhululeke, bese uehla esiphambanweni, futsi sitoKukholwa."

⁴³ Manje, emcondvweni wemuntfu wemvelo; umuntfu wenyama, libandla umuntfu, umzenzisi. Ngoba, lonkhe libandla libamba tinhlobo letintsatfu letehlukene tebantfu, lokukutsi: likholwa leliciniso, nemzenzisi, nalongakholwa. Lonkhe libandla linabo.

⁴⁴ Nekucabanga kutsi loMuntfu, Lobekavule emehlo etimpumphutse, wavula tindlebe tetihhulu, futsi bekavuse umuntfu kulabafile, lobekafe tinsuku letine, futsi bekakhona kwenta titatimende letinjengaleto Latenta; bese-ke ulenga lapho, nesikhwehlela ebusweni baKhe, bese uvumela umphristi lomkhulu amphoce etikwaKhe futsi aMtjele tintfo letinjalo, futsi Akawuvulanga umlomo waKhe futsi aaphendvule ngeligama, ngemphikiswano. Ngoba Watsi, "Ngenta loko lokuhlala njalo kumtfokotisa Nkulunkulu." Futsi kwakutfokotisa kuNkulunkulu kuba naloko kutsi kwenteke.

⁴⁵ Manje siyaMbukisisa imizuzu lembalwa. Manje, labafundzi laba, abacondzanga kutsi kungani loku kufanele kwentiwe. Ngako lapho basahambisana futsi bacala kutfulula lendzaba, khona-ke Jesu uyabemisa. Niyabona, Wabonakala kubo ngesikhatsi bakhulumna ngaYe.

⁴⁶ Futsi kungalesosizatfu Angabonakali kulabanengi kakhulu bantfu belibandla, namuhla, abakhulumna ngaYe ngalokwenele. Libandla lihlala likhulumna ngetintfo letinkhulu letentiwako labanato letichubekako, emaphathi lamakhulu ekutijabulisa, noma kuyongcebeleka lokutsite labatoya kuko, noma intfo letsite lensha labatoyenta, letinye tetinhlangano. Libandla litfwele kakhulu tinhlangano, selize lingabi nendzawo yaKhristu.

⁴⁷ LiBandla sibili lihlala njalo lingakatfwali kuto tonkhe letinhlangano leti, futsi lijikisa yonkhe intfo ibe ngumhlangano wemkhuleko, labo labaMatiko futsi baMtsandze.

⁴⁸ Futsi Nangu lapha khona. Bebakhluma ngaYe ngesikhatsi Abonakala.

⁴⁹ Uma besingayekela kukhulumna ngabomakhelwane betfu, futsi siyekela kukhulumna ngebazenzisi ebandleni, futsi

sikhulume kakhulu ngaJesu, besiyoba nekubonakala lokunengi kwaJesu; nikhuluma ngemaphutsa emshumayeli, nikhuluma ngemaphutsa alenye intfo. Futsi ake nje ukhulume ngaJesu, kungabakhona tintfo letinengi letentekako.

Manje, futsi ngesikhatsi bakhuluma, Wabonakala.

⁵⁰ Futsi-ke, caphelani, uma Abonakala, Akacali ngekunigudluta kulenikushoko. “O, kunjalo. *Lona* ufanele akhishwe. *Nalona* ufanele abe nemelusi lomusha. Noma, lomakhelwane *lona* wakwenta kabi.”

⁵¹ Niyabona, masinyane nje Nakabonakala, Ucala kushumayela Livi. Inceku yeliciniso yaNkulunkulu ihlala njalo iya eVini. Watsi, “O labatiwula, naleninebulukhuni enhlitiywensi kukholwa ngiko konkhe baprofethi labakushito ngaKhristu” Niyabona kutsi kanjani, loku, Wakungenisa na? “Ninebulukhuni kakhulu futsi nitiwula, kutsi anikholwanga kutsi umprofethi watsini na?”

⁵² Kube-ke Bekangabonakala, kusihlwa na? Ngitotsandza nje kucela loku. BekaNgentani eTabernakeli laBranham, kusihlwa na? Ngabe ninebulukhuni kakhulu enhlitiywensi na?

⁵³ BekaNgentani eJeffersonville, kusihlwa, lapho liVangeli belishunyayelwe khona iminyaka lengemashumi lamabili nesihlanu; tibonakaliso netimanga, imimangaliso, intfo lengakapheleli na? Tintfo lengakaze yentiwe kusukela Jesu ashiya umhlabu, yentiwa nsuku tonkhe. Labagulako bayaphiliswa, tibonakaliso netimanga tentiwa. Tiprofetho letinkhulu tentiwa, lettingazange tehluleke. LiVangeli lishunyayelwa ngaphandle kwekuncemphetisa, futsi solo emabhala kanye nema nemahhola emidanso agcwele kusihlwa, eJeffersonville. O, singaphunyuka kanjani elulakeni lwaNkulunkulu na?

⁵⁴ Ngikushito loku tikhatsi letinengi, futsi ngiyakusho namanje, kusihlwa. Uma Nkulunkulu angasivumela sihambe ngaphandle kwesijeziso, Bekatoba nguNkulunkulu longakalungi. Bekayofanele avuse iSodoma neGomora, futsi acolise kubo, ngekubacwilisa ngentfo lefanako lesiyentako nsuku tonkhe, futsi siya ngekuba kabi kakhulu. Naloku nje, bebasicuku sebantfu bemahedeni, kodvwa sifanele sive semaKhristu.

⁵⁵ Futsi lapho Akhuluma nabo, futsi acala kubachazelza imiBhalo, futsi akusiko kutsi Wababhbambadza nje kuphela emhlane futsi abanika imfundziso yeluswane loluncane, kodvwa Bekabasola, futsi watsi, “Nitiwula, futsi ninebulukhuni enhlitiywensi. Nikungabateleni umprofethi lakushito na?” Niyabona lapho Aya khona na? Wacondza ngo emBhalweni.

⁵⁶ Futsi bacala kubukisisa futsi balalela. Watsi, “Khristu bekangakafaneli yini kutsi avuke ngelusuku lwesitsatfu, futsi angene eNkhatimulweni yaKhe na?” Futsi lapho Asachubeka,

lusuku lonkhe, akhulumo, noko bebangaMati, ngoba emehlo abo bekabambekile. Bekavaliwe, futsi bebangaMboni, noma, baMcondze.

⁵⁷ Manje, naku lapho ngifuna kufika khona, lengifuna nikubone. Lowo kwakungumlayeto wekucala emvakwekuvuka. Futsi lapho Ahamba nabo lusuku lonkhe, bebangaMati. Noko, Bekanabo, kodvwa Yena lucobo lwaKhe wawala emehlo abo. Kodvwa uma sekufike ngasekushoneni kwelilanga, naJesu wenta kwangatsi Bekatobendlula.

⁵⁸ Uma loko kungesiko impela nje Lakwentile futsi kuletinsuku leti tekugcina, ekushoneni kwelilanga. Nike nacaphela kutsi Walinikani libandla ngalesosikhatsi, lusuku lonkhe na? Ashumayela nje Livi. Akazange ente ngisho nasinye sibonakaliso noma simangaliso. Akazange asho lutfo kodvwa nje washumayela Livi ngekuvuka, kwaloko umprofethi lakusho. Nguloko Lakwentile kusukela etinsukwini tekuhamba kwaKhe, kute kube ngulolusuku lwekugcina. Kodvwa manje, o, busisa liGama laKhe, lilanga liyashona, futsi Wenta kwangatsi Bekangeke eme.

⁵⁹ O, ngingacabanga ngaFanny Crosby ngesikhatsi akhala, “Mawungangendluli, O Msindzisi lomnene.”

⁶⁰ Nalabafundzi laba batsi, “Wota futsi uhlale. Hlala natsi ebumnyameni, ngoba sekuya ngekuyaphuteka.” Futsi Wenta kwangatsi Bekachubeka, kodvwa baMncengisisa. Ngalamanye emagama, baMcela. O, kube besinalolunengi kakhulu luhlobo lwebantfu labacelako!

⁶¹ Dzadze, mnaketfu, uyati kutsi liBhayibheli latsi kutsi nje uMoya loNgewe ubeke luphawu labo lababubulako nalabakhalela tinengiso letentiwa edolobheni na? Manje, ngifuna kunibuta umbuto. Senta emadlingozi lamanengi kakhulu emibonweni yetfu yetenkholo, kodvwa ngubani lolosedolobheni, kusihlwa, eJeffersonville, lokhatsateke kakhulu ngelive lelalahlekile, kulolusuku lwekugcina, kutsi ngisho bacitsa imizuzu lengemashumi lamatsatfu, busuku, bakhulekela tono talelidolobha na? Kodvwa ngekwemBhalo, iNgelosi yaNkulunkulu yayitobeka luphawu kuphela labo lababubula futsi bakhalela sinengiso.

⁶² Asisakhatsaleli nhlobo. Sifuna nje kwati kutsi singaba nesikhatsi lesihle. Sifuna kwati kutsi singaba nenhlangano lencane ebandleni letfu. Sifuna kwati kutsi sine—nelivoti lelitako, uma sekufika sikhatsi sekukhetsa umelusi lolandzelako. Sifuna libandla letfu libuke kanconywana kunelibandla lalomfo lolandzelako. Lowo ngumcondvo walelive namuhla. Akekho locelako, “O Nkhosi Nkulunkulu, wota kimi masinyane, ngoma ngitawubhubha. O, mawungangendluli, O Msindzisi. Wawunemandla. Wena Losetindzaweni tonkhe, wota uhlale enhlitiyeweni yami, O Nkhosi.” Kulukhuni ngisho

kutfola indvodza noma wesifazane kutsi baphakamise sandla sabo, kwemukela iNkhosi Jesu njengeMsindzisi. Emabhentji alabalilako layimfashini lendzala akhishiwe. Akusekho kukhala. Akusekho kukhala e-altari.

⁶³ Cabangani nje, ngesikhatsi Charles G. Finney, umshumayeli weliVangeli nje, ummeli lomncane lophendvukile, lowomelele kancanya umfo, abehlola kusebenta kwetinsimbi kulesakhiko. Futsi watsi, "Phendvukani, noma nibhubhe." Nendvodza lehleti eluphahleni yaculeka futsi yawa. Wema kuvulande losesitezi wesakhiko eNew England futsi washumayela sihogo kulabalahliliwe. Futsi ngesikhatsi amemeta kakhulu, "Niyobhubha uma ningaphendvuki," besilisa baculeka, nebesifazane, futsi bawela etitaladini.

⁶⁴ Kodvwa, namuhla, ungashumayela kuphendvuka nesihogo umlilo nesibabule, nebantfu bayokuhleka. Yini indzaba na? Tinhliyo tetfu tiyabandza. Asinandzaba. Sinalokunengi kakhulu. Sidzinga lokuncane kwelive nalokunengi kwaNkulunkulu. Tinhliyo tetfu tibandza kakhulu. Siba ngulabakhatsalele imizwa letsite. Siba nenshisekelo, "Uma—uma singadansa; uma singamemeta." Ngiyakholelwa kuko. "Uma singakhuluma ngetilimi." Ngiyakholelwa kuko. Ngiyakholelwa kuko konkhe nalokuncane kwaloko. Kodvwa uma sinako loko, futsi singenako loko kujabulisa, kulila, umoya lowephukile, Nkulunkulu angeke aze akusebentise. Letotintfo tinhle, kodvwa sifanele sibe nalelenye kutsi sihambe nayo. Sishiye intfo lemcka, futsi sahamba salandzela lokukwesibili; futsi ungeke wacitsa sikhatsi kulokumcoka kancane. Siyakwati loko.

⁶⁵ Ngisho nasemihlanganweni yetfu lucobo, imihlangano yetfu lucobo inalokunengi kakhulu endzaweni kunalokunengi kakhulu ekuphiliseni kwaNkulunkulu, esikhundleni sekuphiliswa kwemphefumulo. Mnaketfu, lesikudzingako namuhla yimvuselelo yekwephulwa, imiphefumulo ivutsele Nkulunkulu. Lengikucondzile, "emilwени," kusentasi e-altari, netinyembeti tehla etihlatsini tabo. Hhayi imizuzu lesihlanu, futsi usukume futsi ukukhohlwe. Kodvwa ngaphandle atama kuzuza labalahlekile babuyelete kuKhristu futsi; umtfwalo enhlitiywensi yabo.

⁶⁶ Nkulunkulu, tsatsa bonkhe bunandzi belive, nabobonkhe bumengemenge babo, nayoyonkhe lemidlalo yekutichaza, futsi ubeke umtfwalo enhlitiywensi yami ngalabalahliliwe, kutoba ngumkhuleko wami.

⁶⁷ BaMncengisisa. "O Nkhosi, asati kutsi Ungubani, Mnumzane, kodvwa siyakutsandza kushumayela kwaKho. Ngena, futsi uhlale natsi busuku bonkhe." NaJesu wangena. Ahamba nabo, futsi abamatanga Yena. Futsi uma Sekake

wangena . . . Kungahle kube yindlwana lencane, kodvwa akukho lutfo lolutfobe kakhulu kuYe.

⁶⁸ Wena utsi, “Yebo-ke, Mnaketfu Branham, sengiyindvodza lendzala.” Anginandzaba kutsi sewumdzala kangakanani. “Ngingumntfwana nje.” Loko akunandzaba kutsi usemncane kangakanani. “Ngiphuye kakhulu. Nginema-ovaloli.” O, kube bewunelisaka letjani ligocotwe kuwe, bekungeke kwente mehluko kuNkulunkulu. Mcele nje. Umkhulu emehlweni aNkulunkulu. Ungahle ungabi ngulokukhulu kangako embikwemuntfu, kodvwa umkhulu emehlweni aNkulunkulu. Ungulomunye wetikhonti taKhe.

“Ngena uhlale natsi.”

⁶⁹ “O, angikhonanga kuMcela kutsi angene kimi. Bengisidzakwa. Beningumgembuli.” Anginandzaba kutsi uyini. Mcele Yena, futsi utfole. Utokuta ngesimemo sakho. Akakaze asencabe nasinye. Futsi akayoze asencabe nasinye. Ulangazelela futsi wetama kungena etinhlitiyweni. Wena utsi, “Ngike ngaba yingwadla yesitaladi.” Anginandzaba kutsi bewuyini. Nkulunkulu utama kusebenta indlela yaKhe enhlitiyweni yakho.

Tsani nje, “Ngena, Nkhosi, futsi uhlale nami.”

⁷⁰ Futsi caphelani, lusuku lonkhe, Bekakadze aletsa Livi, kodvwa akukho tibonakaliso. Ngesikhatsi Abafaka ngekhatsi, futsi wavala umnyango, wase uhlala phansi, o, mnaketfu, ngulapho la Akwembula khona kuvuka kwaKhe. Akukho sikhatsi, kusukela ekuseni ngesikhatsi Ahlangana nabo, kwaze kwaba sekushoneni kwelilanga, Wakwenta. Akazange ente ngisho nayinye intfo Layenta emphilweni, Livi kuphela nje. Kodvwa caphelani, ngesikhatsi sakusihlwa, ngesikhatsi sakusihlwa, ngulapho la Afakazelha khona kuvuka kwaKhe.

⁷¹ Asengisho loku ngekutitfoba. Asengisho loku ngeliphimbo lelephukile, kodvwa ngenhlitiyo leyephukile, futsi. Sikhatsi sakusihlwa. LiBhayibheli latsi, “Kuyoba kuKhanya ngesikhatsi sakusihlwa. Kuyobakhona lusuku, kutsi aluyukuba busuku noma imini,” umprofethi washo. Kuyobe nje kuva Livi, lingabi nekubonakaliswa, sigayegaye nje, lusuku lolunenkhungu. Kodvwa ngesikhatsi sakusihlwa, kuKhanya kutoKhanya futsi. Kuyoba kukhanya. Futsi kulesikhatsi lesi sakusihlwa lesiphila kuso manje, lapho Khristu, ngebafundisi baKhe, ushumayele liVangeli iminyaka letinkhulungwane letimbili, kodvwa loku kukhanya kwakusihlwa. Tibane takusihlwa tatikubonakalisa kwekvuvuka.

⁷² Nini? Bebangati kutsi Bekavukile kulabofile. Naloku nje bebaMtsanda, bebaMkhola, kodvwa bebangati kutsi Bekavukile kulabofile. Bebaphikisana nako. Futsi manje, naku ngesikhatsi sakusihlwa, Utotembula Yena lucobo, kutsi Uvukile

kulabafile. Wakwenta kanjani na? Hhayi ngekushumayela Livi; Bekasavele akwentile loko, futsi noma kunjalo abakhholwanga.

⁷³ Futsi iminyaka letinkhulungwane letimbili yekushumayela Livi, libandla lisasolo lingakhholwa. Kodvwa kuKhanya kwakusihlwa sekufikile, kubonakaliswa kwekuvuka.

⁷⁴ Futsi Wabangenisa, futsi Wenta ummangaliso, noma wenta intfo njengoba nje Enta ngaphambi kwekubetselwa kwaKhe. Bebati kutsi kwakunguYe. Emehlo abo avuleka.

⁷⁵ Futsi Wanyamalala, masinyane. Caphelani, kwakungumlayeto lomfishane. Wawungasiko sikhatsi lesidze kakhulu. Akahlalanga nabo sikhatsi lesidze. Wavele nje watibonakalisa Yena lucobo, wase uyanyamalala emehlweni abo. Nemehlo abo avuleka futsi bebati kutsi lowo kwakunguYe.

⁷⁶ Base batsi, “Tinhlitiyo tetfu betingavutsi yini ngekhatsi kwetfu, lapho Asakhulumna natsi endleleni na?”

⁷⁷ Futsi, o, mnaketfu, dzadze, tishiswe kangakanani tinhlitiyo tetfu, kusukela phansi eminyakeni. Sengibe ngumKhristu manje cishe iminyaka lengemashumi lamabili nesikhombisa; cha, cishe iminyaka lengemashumi lamabili nemfica. Sengibe ngumshumayeli iminyaka lengemashumi lamabili nesikhombisa. Futsi sonkhe lesikhatsi, uma ngifundza Livi laKhe, uma Akhuluma nami, kuyamangalisa. Inhlitiyo yami iyavutsa, kuva Livi.

⁷⁸ Kodvwa manje kuKhanya kwakusihlwa sekufikile. Lilanga liyashona. Imphucuko seyihambile. Umhlabu sewusekugcineni. Manje Uyabonakala futsi wenta lokutsite emkhatsini wetfu, kutsi Atembule njengaKhristu lovukile. Emehlo etfu a, angavuleka. Singabona kutsi Uyaphila kute kube phakadze. Bunandzi be-phudingi ubuva nawuyidla. Futsi lobo bufakazi bekuvuka. Uma Jesu etsembisa, liBhayibheli lenta, “Unguye itolo, namuhla, naphakadze,” futsi Akakufakazeli loko, khonake umBhalo uneliphutsa. Kusukela phansi eminyakeni sibe nato tonkhe letimfundziso leti teMbhalo, kodvwa lolu lusuku lwekubonakaliswa, kwekubonakaliswa kwekuvuka.

⁷⁹ Manje, bentani? Ngesikhatsi emehlo abo avuleka, batsi, “Tinhlitiyo tetfu betingavutsi yini ngekhatsi kwetfu na?” Futsi baphutfuma ngekushesha babuyela emuva, kutsi bahlangane nabo bonkhe bantu babo. Futsi abazange babuyele emuva manje, behlela nje emgwacweni, futsi batsi, “Yebo-ke, mhlawumbe bekungaba ngulenye intfo.” Kodvwa bebacinisekile. Futsi baphutfuma kubazalwane, futsi batsi, “Impela, iNkhosi ivukile, impela! Siyati kutsi Ivukile.” Abahambanga kuyophikisana nenkholo yabo. Bavele bahamba ngoba emehlo abo bekavulekile. BebaMbonile ekuvukeni kwaKhe.

⁸⁰ Futsi kungaba yini intfo lenhle kakhulu, kusihlwa, mngani wami na? Kungaba yini intfo lenhle kakhulu,

kusihlwa, kulolusuku lweliPhasika na? Kubona lowo Jesu lofanako lowavuka kulabafile, wangena ekhatsi naleli lelincane, lelidzala, litabernakeli lelitfobekile lapha, loko kwasibita ngaphansi kwemadola latinkhulungwane letintsatfu, eminyakeni lengemashumi lamabili leyendlula. Bekungaba kanjani, kulendzawo lencane letfobekile, kuMbona eta lapha, kusihlwa, futsi ente letintfo Latenta ngaphambi kwekubetselwa kwaKhe, kufakazela kuvuka kwaKhe na?

⁸¹ Akakaze akwente kuze kube nguletinsuku leti tekugcina. Manje Uyakwenta ngoba Wetsembisa kutsi Uyokwenta. Sekusikhatsi sakusihlwa. KuKhanya kuyakhanya. Nkulunkulu uvula emehlo ebantfwana baKhe. Bona, ngetinhlitiyo letikhanyako, baphutfuma emuva, “O, Urukile, impela.”

⁸² Manje, kunebantfu kulesakhiwo, kusihlwa, mhlawumbe lababuya eVirginia, nakuto tonkhe tindzawo eveni. Futsi-futsi, nomu akunandzaba kutsi uvelaphi, ungabuyela emuva ngenhlitiyo yekukhanya, kulolusuku lweliPhasika, uma Jesu atobonakala kini njengoba Enta kubo.

⁸³ Mhlawumbe nihambe naYe sikhatsi lesidze. Mhlawumbe bewungumKhristu iminyaka, kodvwa awukaze uwabone emandla aKhe ekuvuka kwaKhe abonakaliswa. O, uma Atokwenta kusihlwa, nitoMemukela njengeNkhosi levukile na?

⁸⁴ Kucabangeni manje, sisakhotsamisa tinhloko tettu umzuzwana nje sentele umkhuleko. Bangakhi labangatsandza kukhunjulwa kulomkhuleko na? Phakamisa sandla sakho kuNkulunkulu. Nkulunkulu akubusise.

⁸⁵ Manje, Nkhosi Nkulunkulu, bantfu bemile, titfo tabo tibuhlungu. Kodvwa, o, bayakutsandza. Bafikile, Nkhosi, kulolusuku lwekuvuka. Bafikile, mhlawumbe, babuya ethuneni lelidzala lelingenatalfo ndzawanatsite, lapho bashumayela khona liVangeli lelingenatalfo, wase utsi, “Yebo-ke, tinsuku temimangaliso setendlulile.” Nguleyondlela labatfola ngayo lithuna, ngoba Bekangekho lapho. Bekavukile kulabafile.

⁸⁶ Kodvwa Kleyophase nemngani wakhe banalabanengi bahamba nabo, kusihlwa, bakucoca, emgwacweni. Kodvwa, O Nkhosi Jesu, kuletikhatsi leti takusihlwa, ngiyakhuleka kutsi Utobonakalisa kuvuka kwaKho kulelibandla lelincane, kusihlwa. Fakazelani kulaba, labeme edvute, kutsi Nitfobekile. Loko kutsi, uma... Akunandzaba kutsi kutfobeke kangakanani, Utokuta kunoma nguyiphi indzawo lapho Wemukelekile khona, lapho Ufunwa khona.

⁸⁷ Futsi banengi lapha, Nkhosi, labadzingako. Labanengi bayagula nalabanengi bahlaselekile. Labanengbete Wena, betekhristu, betekulunkulu, futsi bafuna lusito. Ngiyakhuleka, Babe, kutsi Utotibonakalisa Wena lucobo, kusihlwa, kulelitabernakeli lelincane, kanye futsi.

⁸⁸ O Nkhosi Nkulunkulu, Bewumuhle encekwini yaKho. Eminyakeni leminengi leyendlula, namuhla, endlwaneni lencane lendzala yetingodvo letibukeka singcunu, ngesikhatsi make wami lomncane emuva lapho, cishe iminyaka lelishumi nesihlanu budzala, wavula lifasitelo, ekuseni kakhulu, futsi nganiketa kumemeta kwami lokuncane kwekucala. O Nkhosi Nkulunkulu, ngiyaKubonga ngawo wonkhe umnyaka. Nginemahloni ngetintfo letinengi lengitentile lettingakalungi. Ngikhulekela kutsi Ungitsetsele. Futsi kunye kutisola lenginako, Nkhosi, kutsi ngangi ngaKukhonti ngesikhatsi ngisengumfana lomncane. Ngisite, Nkhosi.

⁸⁹ O Nkhosi, uma ngitfole umusa emehlwani aKho, cinisa lomtimba lobutsakatsaka. Hlumelelisa emandla ami. Hlumelelisa emandla ami ebusha, njengoba Wenta tinkhozi, futsi ubeke inhloko yami etulu, Nkhosi, nenhlitiyo yami ikhotseme, kute ngihambe, Nkhosi, noko, futsi ngibonakalise lutsandvo lwaKho kubantfu. Nginike lutsandvo lolujulile, kutehlukanisela lokukhulu, lokujulile, lokugcwele kuphila, imphilo legcweli kakhulu, kute ngiKukhonte.

⁹⁰ Nkhosi, bonakalisa emandla aKho kusihlwa emkhatsini webantfu, ngekuphilisa labagulako nalabahlaselekile, uniketa bufakazi ekuvukeni kwaKho. Futsi sitoKunika ludvumo, eGameni leNkhosi Jesu siyakucela. Amen.

⁹¹ Ngiyakutsanda loko, Dzadze Gertie. Bangakhi lokwatiko, “Ngcwele, Ngcwele, Ngcwele, Nkhosi Nkulunkulu Somandla”? Ake sitsi kukuhamisha, kanyekanye manje, kanye nje. Ngiyatsandza...Bangakhi lotsandza lawo maculo layifashini lendzala na? O, ungatsatsa konkhe kwakho lokucotjiwe lokudzadlana, Elvis Presley, dum-dum, egameni lebuKhristu, ungaba nabo. Nginike leyofashini lendzala, lenyakatise inhliitiyo, lutsandvo tingoma teliVangeli. Yebo, mnumzane.

Ngcwele, Ngcwele, Ngcwele, Nkhosi
Nkulunkulu wemabandla.

Lizulu nemhlaba kugcwele Wena,
Lizulu nemhlaba kudvumisa Wena,
O Nkhosi lengeTulu Kwako konkhe.

⁹² Ngabe loko akwenti lokutsite kini na? Dvumisani nje manje, kanyekanye nje, sisalihlabela lelo futsi manje. Dvumisani nje manje, kuNkulunkulu, kutsi nje sakutivala, futsi nikhuleke manje, sisahlabela.

Ngcwele, Ngcwele, Ngcwele, Nkhosi
Nkulunkulu wemabandla.

Lizulu nemhlaba kugcwele Wena,
Lizulu nemhlaba kudvumisa Wena,
O Nkhosi lengeTulu Kwako konkhe.

⁹³ Nkhosi Nkulunkulu Longetulu kwako konkhe, Ubeka lilanga emgudvwini walo. Ubeka inyeti, tinkhanyeti.

Walinganisa umhlaba ngeliphama lesandla saKho, futsi waphuphutsa kwavela tinkhanyeti. UNGU Nkulunkulu. Wavusa Jesu kulabafile, eminyakeni lengemakhulu lalishumi nemfica leyendlula, futsi waMkhombisa aphila, kusinika lesosiciniseko lesibusisiwe, kutsi silindzele manje kuBuya kwaKhe Loyohlala esihlalweni sebhukosi saDavide futsi siyobusa umhlaba ngekuthula nangekulunga. Asisayophhindze sidadishe imphi. Akusayubakhona kulamba kanjalo nelusizi. Akusayubakhona kudzabuka, akusayubakhona kufa. Tintfo takucala tiyondlula. Futsi, O Nkulunkulu, sekusondzele kakhulu!

⁹⁴ Cinisa tinhltiyo tebantfwana baKho. Siphe, kusihlwa, tifiso tetfu. Hhayi ngekwetfu, Nkhosi, kodvwa kute sibe nebufakazi lobusha enhlitiywani yettu yekuvuka kwaKhe. Ngiyayitfoba inhlitiyo yami futsi ngicela Wena kutsi ungsite. Netetsameli titfobe inhlitiyo yato futsi ticela Wena kutsi ubasite, kuze kutsi kanyekanye sibone iNkhosi levukile.

⁹⁵ Wota emkhatsini wetfu, Nkhosi. Ngcwelisa lelibandla. Ngibita umusa lomnengi waNkulunkulu. Nkhosi, ungasehluleli. Asiceli kwehlulelw. Sicela umusa. Siphe sihawu, O Nkulunkulu loPhakadze, futsi ubonakalise lutsando IwaKho neBukhona kanye natsi. Ngoba sikucela eGameni laJesu. Amen.

⁹⁶ O, ngitiva nje ngifuna kakhulu kukhonta. Inhlitiyo yami igewalisiwe nje! Siciniseko lesinje pho! Jesu uvukile kulabafile.

⁹⁷ Akusiyo indzaba lefana naSanta Claus. Uma ngisho lokutsite lokuliphutsa phambi kwebantfwana bakho, ngitsetsele; angikacondzi kukwenta. Kodvwa ngiyakholelw ekutjeleni bantfwana liciniso. Niyabona na?

⁹⁸ Ngifuna kwati liCiniso. Bangitjela ngaJesu. Uma Angavukanga kulabafile, khona-ke kuyindzaba leyinganekwane. Uma Angesuye itolo, namuhla, naphakadze, khona-ke yindzaba leyinganekwane. Khona-ke, Angahle kube sewufile, uma Angatifakazeli Yena kutsi unguNkulunkulu lovukile.

⁹⁹ Kodvwa ngijabula kakhulu kwati kutsi Uvukile kulabafile, futsi Uyaphila manje. Ulapha. Naletihlabatsi leti letingcwele, njengoba ngikhulumile ngako manje ekuseni, akekho longake akususe loko enhlitiywani yakho. Kwangatsi Nkulunkulu angavula emehlo akho, kusihlwa, sihambi, futsi anente nati kutsi iNdvodzana yaKhe ivukile kulabafile, futsi ilapha kutsi itibonakalise Yona lucobo.

¹⁰⁰ Manje, ngibute Billy kutsi bangakhi lebebato khulekelwa. Bekangati. Bangakhi lapha lofuna umkhuleko, imitimba legulako, phakamisani tandla tenu, kuso sonkhe lesakhiwo. Ndzwano tonkhe kulesakhiwo, loyo lowufunako. Kutoba kunengi kakhulu, niyabona, sekungetulu... Kubili kulokutsattu kwetetsameli. Kutoba kunengi kakhulu kutama kuletsa lilayini lalabakhulelwako liphele. Besingeke sikhone kukwenta.

Ngimtjele kutsi anikete emakhadi. Futsi sitotama kubamisa lilayini futsi sibaletse bendlule, bonkhe labangakwenta. Futsi ngiyacabanga... Niketa likhulu? Kulungile. Yebo, unikete emakhadi lalikhulu, futsi lesakhiwo asihlali cishe emakhulu lamabili nemashumi lasihlanu, ngiyacabanga, noma intfo lefana naleyo. Ngako, mhlawumbe, labanengi lapha...

¹⁰¹ Bangakhi longenalo likhadi lekukhulekelwa, futsi ufunu Nkulunkulu akuphilise na? Phakamisani tandla tenu, ndzawo tonkhe kulesakhiwo, lote likhadi lekukhulekelwa. Cishe ihhafu yabo. Kulungile. Manje yinye kuphela indlela lesamtsetfweni lesingayenta.

¹⁰² Kukhona lokutsite engcondvweni yami. Kukhona lokutsite enhlitiywani yami. Ngingeke ngakusho ngize nagi kutsi ngikhuluma ngani. Ngiyakhuleka. Ngibambelele kuNkulunkulu. Ngibuyela emuva ngemuva kwelugwadvule. Ngi—ngi—ngifanele ngibonane naNkulunkulu futsi. Kunentfo letsite nje. Ngifanele ngifike kuleto tihabatsi futsi, lapho bengikhona eminyakeni lembalwa leyendlulile. Ngifuna kukhuluma naYe. Ngi—ngiMbonile embonweni, kabilu. Ngiyetsema kutsi ngingaMbona futsi ngaphambi kwekutsi nighambe. Kunentfo letsite lengiyitfole emiBhalweni. A—a—angati. Bekusenhlitiywani yami. Futsi sonkhe sikhatsi uma ngikhuluma ngako, kwenteka intfo letsite. Futsi nje ngi... Ngise... Ngi—ngisendzaweni, angati kutsi ngenteni. Ngikholwa kutsi lenkonzo lena lenginayo manje iyafiphala, kutsi intfo letsite lenkhulu itotsatsa indzawo yayo. Kuleliviki lelitako noma lamabili, ngiya ethlabatsini letingcwele, uma ngingakhona, lengemuva kwelugwadvule, kubona kutsi ngingachumana yini neNkhosi yami. Angikwati kuphumula, ngingeke ngibe nekuthula, ngize ngiMtfole, ngize ngitfole kutsi kumayelana nani loku. Angikucondzi. Usengakaze angencabe namanje; angikholwa kutsi Utokwenta kulesikhatsi lesi. Ngiyachosha. Ngikhulekela Yena kutsi angisite.

¹⁰³ Hhayi kutsi a—a—angikufuni. Hhe, bengingabuya lapha futsi ngishumayele, futsi ngichubeke manje. Ngiyacabanga nginebangani labenele kutsi nje kusita kutsi banginakekele. Akusiko loko. Akusivo lowomcondvo. Lenkonzo lenginayo, bengingachubeka, uma Nkulunkulu ayoba nami. Bengingachubeka.

¹⁰⁴ Kodvwa inhliyiyo yami ayeneliseki. Kukhona lokunye kujula lokubita kuJula. Kukhona lokuhambako. Kubukeka kwangatsi ngingabeka tandla tami kuko, kodvwa, “Kukuphi, Nkhosi?” Akusiko kwami. Kukwebantfu baKhe. Kwebantfwana baNkulunkulu. Ngiba yimihlatjelo nje.

¹⁰⁵ Sengiyindvodza lendzala. Tinsuku tami ti—tiphelile. Tinsuku tami tebusha setiphelile. Indvodza leneminyaka lengemashumi lamane nemfica budzala akasesiye umfanyana.

Siyakwati loko. Lomunye futsi umnyaka futsi ngitoba nemashumi lasihlanu. Angisuye umfana. Nginebantfwana lengibakhulisako. Liciniso lelo.

¹⁰⁶ Kodvwa, mnaketfu, nginemsebenti waNkulunkulu lekumele ngiwente, ngetulu kwayo yonkhe intfo. Ngifanele ngati kutsi lokuhawukela kimi kumayelana nani. Ngifanele ngihambe ngite ngikutfole. Ngifanele ngiMtfole, ndzawanatsite. Ngifanele ngati.

¹⁰⁷ Ngiyacabanga kukhona labanye labahleti lapha, labavela cishe eminyakeni lelshumi noma lelshumi nakubili leyendlula, labavela kulelitabernakeli, ngesikhatsi ngenta lesositatimende lesifanako lapha ngalesinye sikhatsi. Bangakhi labalapha labakukhumbulako loko na? Bukani nje letandla letindzala letisele. “Intfo letsite ekhatsi lapha,” ngatsi, “kukhona intfo letsite, ngicishe ngiyltsintse. Seyisedvute.” Ngangati kancane, emvakwekuba iNgelosi seyikhulume entasi lapha emfuleni, embikwenu nonkhe, futsi yatsi, “Njengoba Johane watfunywa njengemendvuleli wekuBuya kwekucala, uyotfumela uMlayeto emhlabeni jikelele.” Kwentekile. Sonkhe sive sinetinkonzo tekuphilisa letichubekako manje, emhlabeni jikelele, ngisho nasenhla eRussia. Yebo, mnumzane. Ndzawo tonkhe, tinkonzo tekuphilisa tiyachubeka, lapho tatifele khona phansi.

¹⁰⁸ Manje kunentfo letsite lenkhulu kakhulu, lehambako. Kune... Ngilindzele kuva umsindvo wekuvunguta kwemacembe emgungumence. Ngiyachubeka. Ngikhulekeleni.

¹⁰⁹ Manje, njengoba ngikulenkonzo, kubonakaliswa kwekuvuka kwaJesu Khristu. Uma Aphila, Uyasigcina sonkhe setsembiso. Ngubani lowaMgcina aphilile kuleminyaka letinkhulungwane letimbili na? Ngubani logcine loko kuKhanya lokuPhakadze kuvutsa? Manje sekungito tikhatsi takusihlwa. Kubonakaliswa kwaKhe ngentfo Layenta, njengoba Enta ngaphambi kwekubetselwa, Watibonakalisa Yena lucobo kubafundzi. [UMnaketfu Branham uchumisa imino yakhe—Umhl.] Bakucondza, masinyane, lowo kwakunguYe. Manje Utokwenta lokufanako.

¹¹⁰ Bangakhi labake babakuleminye imihlangano yami na? Asibone tandla tenu, kuso sonkhe lesakhiwo. Ngiyacabanga likhulu lemaphesenti, ngako anginawudzingeka ngendlule kuko. Niyati kutsi yini lenitoyilindzela.

¹¹¹ Bangakhi labalangatelela futsi balindze kuMbona futsi, kusihlwa, kuhamba esigcawini, “Ngabe UnguJesu lovukile na?” Nkulunkulu anibusise. Manje kukhombisa nje kutsi Uyaphila.

¹¹² Kwakuyini na? [Lomunye utsi, “X.”—Umhl.] X? Kulungile. Asivele nje... Singeke sibite labanengi kakhulu, ngesikhatsi. Singema, mhlawumbe, labane noma labasihlanu ngesikhatsi, noma lokutsite. Kulungile.

¹¹³ Asicale ngemakhadi ekukhulekelwa manje, futsi sicale kuwaphakamisa. Asitfole lekucala. Ngubani lonalo na? Buka likhadi lakho. Wekucala. Wekucala? [Lomunye utsi, “Khona lapha, Mnaketfu Bill.”—Umhl.] O, ngiyacolisa. Kulungile, dzadze. Wekucala. Wesibili. Wesitsatfu. Ungasukuma, noma ngubani lonelesitsatfu? Wesine. Wesihlanu. Wesitfupha. Angiyiboni inombolo yesitfupha. Yekucala, yesibili, yesitsatfu, yesine, yesihlanu. Inombolo yesitfupha. Kulungile. Inombolo yesikhombisa. Lesikhombisa, ngiyacela. Khona lapha. Ngako, lesiphohlongo, inombolo yesiphohlongo. inombolo yemfica. Kulungile, mnumzane. Lelishumi. Emuva... Ake sibone kutsi bangakhi lesi... [“Kunalabalishumi.”] Kulungile. Asicale khona lapho, futsi-ke sesiyabona, mhlawumbe singatfola labanye labambalwa.

¹¹⁴ Bangakhi kulesakhiwo longangati na? Angikwati, futsi ufunu Nkulunkulu akuphilise, phakamisa sandla sakho. Wonkhe lowatiko kutsi angikwati. Kulungile. Hloniphani ngekutitfoba nje.

¹¹⁵ Manje, iNkhosi yetfu Jesu, ngesikhatsi Ihamba emhlabeni... Basamisa bantfu ngenhla. INkhosi yetfu Jesu, ngesikhatsi Ihamba emhlabeni, Ayizange itisho kutsi ingumphilisi. Bangakhi labakwatiko loko na? Watsi, “NguBabe waMi lohlala kiMi.” Bangakhi labakwatiko kutsi Watsi, “Ngingeke ngente lutfo ngekwaMi; kodvwa loko lengibona Babe akwenta, loko iNdvodzana”?

¹¹⁶ Manje, futsi ngesikhatsi Atfola indvodza e—e... lendvodza. Futsi Watimemetela Yena lucobo embikwesive semaJuda. Wenta ummangaliso, ngekutjela umuntfu kutsi bekakuphi nekutsi bekentani. Futsi baMkholwa.

¹¹⁷ Futsi ngesikhatsi Atimemetela Yena lucobo esiveni saseSamariya, Watjela wesifazane kutsi yayiyini imfihlo yakhe, futsi waMkholwa, naso sonkhe sive. Ngabe kunjalo na?

¹¹⁸ Kodvwa khumbulani, Akazange akwente loko kuweTive, akazange ebukhoneni kweweTive. Ngoba... Bangakhi lowatiko kutsi lesi bekusimiselo sesikhatsi sebeTive na? Kodvwa kuKhanya kwakusihlwa sekufikile manje. Hloba luni lwekuKhanya lolukhanyako na? Hloba luni lwekuKhanya lolukhanyako ngesikhatsi iNdvodzana yehla na? INdvodzana lefanako leyakhanya eMphumalanga ngesikhatsi Ikhuphuka. Niyakukholwa loko na? Ngabe leyo yiNdvodzana lefanako leyandlula emhlabeni na? INdvodzana lefanako leyavela futsi yabonisa kuKhanya emuva lapha. Futsi kwakumnyama lusuku lonkhe, lusuku nje lolunenkhungu; kwase-ke, ngaphambi nje kwekutsi iNdvodzana yehle, Yakhanya futsi. Kutofanele kube kuKhanya lokufanako lokwakhanya emuva lapho. Kuyokhanya kumSamariya nakulo liJuda, emuva lapho, futsi hhayi kuweTive; khona-ke Utofanele akhanye kuKhanya lokufanako kuweTive,

kute abe nguye itolo, namuhla, naphakadze. Ngabe kunjalo na? Manje, uyakholwa.

Manje Dzadze Gertie, ngekuthula impela, umzuzwana nje.

¹¹⁹ Manje, kulelilayini lala bakhulekelwako, kunalabanengi benu, ngiyacabanga, angati. Bangakhi kini ekhatsi lapho, lengingati kutsi yini lengalungi kini, noma lutfo ngani na? Niyakwati. Phakamisani tandla tenu, nine leniselayinini lemkhuleko, lowatiko kutsi angati lutfo ngani.

¹²⁰ Bangakhi etetsamelini lowatiko kutsi angati lutfo ngani. Anginandzaba noma ngabe ukhona lapha, manje, angati lutfo ngawe. Kulungile. Kulungile. Kholwa nje.

¹²¹ Manje, iNkhosi yetfu yayihamba ngalesinye sikhatsi kutsi—kutsi ivuse lencane, intfombatane lefile, ne—newesifazane watsintsa sembatfo saKhe. Futsi Wagucuka wase utsi, “Ngubani loNgitsintsile na?” Futsi wonkhe umuntfu wachubeka wathula. Baphika kutsi baMtsintsile. Kodvwa Wacalata . . .

¹²² Nalabanye babo baMekhuta, Phetro, wase utsi, “Nkhosi, Ungasho kanjani kutsi ngubani ‘lokutsintsile’ Wena, nesicuku sonkhe siyaKutsintsa na?”

¹²³ Watsi, “Kodvwa ngi—ngi . . . Emandla aphumile kiMi,” loko kutsi, “emandla.”

¹²⁴ Futsi Wacalata waze Watfola kutsi ngubani i . . . Wati kanjani kutsi lowesifazane bekangubani na? Kwakukukholwa kwakhe lucobo; ngoba, Washo njalo. “Kukholwa kwakho kukusindzisile. Inkinga yakho yekopha, lobonayo, seyiphelile. Kukholwa kwakho kukusindzisile.”

¹²⁵ Lowo nguJesu Khristu namuhla, lobekakhona itolo. Uma Angenta intfo lefanako namuhla, khona-ke Uyatifikazela Yena lucobo ngalokufanako.

¹²⁶ Kubonakala kwangatsi bengifanele ngimati lona wesifazane lapha. Ngabe nguwe umuntfu wekucala na? Ngabe uyi . . . Ngingahle ngikwati. Angikwati. Buso bakho bubukeka bejwayelekile. Angati. Kodvwa, noma ngabe kuyini, sukuma ute lapha umzuzu. Ngifuna kutsi, uma ngikwati . . . Ngingahle ngingakwati. Angilati ligama lakho. Kodvwa kubonakala kwangatsi ngikubonile, futsi mhlawumbe ngikubonile. Kodvwa angati kutsi ukhonela ini lapha. Anginalwati kutsi ute ngani lapha. Futsi angati kutsi ngiyakwati. Kodvwa nje ku . . . Ubukeka wejwayelekile, buso bakho. Beningakwati na? Wena—wena, bengingeke ngikwati. Kulungile, khona-ke usihambi. Buso bakhe babubukeka bejwayelekile kimi. Beningati nje. Bengifuna kuciniseka.

¹²⁷ Manje wonkhe umuntfu uyati kahle, uma unako kwakamoya ngawe, nhlobo, kutsi kukhona lokwentekako khona manje. O, ungeke wa—ungeke nje wa . . . Awukafaneli kuLiva, kodvwa uyaLiva. Ngiyati kutsi leyoNgelosi yaNkulunkulu ikhona lapha

kulelideski. Niyasibona lesositfombe lapho, loko kuKhanya na? Loko kuKhanya kuhona lapha manje.

Wena utsi, “AngiKuboni.”

¹²⁸ Kanjalo futsi abatibonanga letotiNgelosi letabatjela, “Wanitjela loku eGalile.” Tatilapho.

¹²⁹ Futsi Ulapha. UngoKhristu, Lovukile. Bangakhi lowatiko kutsi Khristu usesimeni sekuKhanya, namuhla na? Impela. LiBhayibheli latsi Ungiko.

¹³⁰ Manje hloniphani ngekutitfoba sibili manje. Ningayaluki. Noma ngabe nikuphi, khulekani nje.

¹³¹ Manje uma singakejwayeleki kulomunye nalomunye... NeNkhosi Nkulunkulu, uma A...Uma ugula, futsi uma bengingakuphilisa, be—bengingakwenta; kodvwa bengingeke ngikhone. Ngingeke ngikhone kukwenta, ngoba sekuvele kwentiwe. Jesu wakwenta ngesikhatsi Afa eKhalvari, wavuka. Wakufakazela. Futsi manje, uma Atokwembula kimi kutsi uteleni lapha.

¹³² Manje, kube Bekeme lapha, agcoke lesudu, Angahle ati kutsi ungubani. Bekatokwati, uma Nkulunkulu akwembula kuYe. Watsi, “Angenti lutfo aze Babe aNgikhombise kutsi angenteni.” Futsi kube Bekalapha, futsi Bekatokwembula kuwe, mhlawumbe kutsi ungubani, kutsi uvelaphi, kutsi ungubani ligama lakho, loko lobokwenta ngaphambi kwekutsi ute enkonzweni, noma loko lonako enhlitiywani yakho, noma intfo lefana naleyo. Kodvwa, ngekuphiliswa, kungumsebenti losewucedziwe. Sewuvele ucedziwe. Manje, uma Atokwenta intfo lefanako, nitokholwa kutsi nitokutfola lelenikucelako na?

¹³³ Tetsameli titophakamisela yini tandla tato kuNkulunkulu, kutsi titokukholwa, futsi, uma Atokwembula kulona wesifazane na? Akabe lijaji.

¹³⁴ Manje uma noma ngubani afuna kuta atsatse lendzawo, wemukelekile.

¹³⁵ Manje naku lapho ngitotfolakala khona ngingu mcambimanga, neLivi laNkulunkulu alisilo liciniso, noma ngikhuluma liCiniso neLivi laKhe lingiko sibili. Kunjalo. Nako laph'ukhona. Kungeke kubekhona noma—ngeke kubekhona kuhamba ngakuloku. Loku kuyakukhombisa. Loku kuyakwenta.

¹³⁶ Manje uma lowesifazane agula, futsi ngibeka tandla tami etikwakhe, ngitsi, “Utosindza, dzadze,” unelivi lami kuphela laloko. Kodvwa uma Moya loyiNgcwele embula intfo letsite lebeyisemphilwени yakhe, lengemuva, uyati noma lelo liciniso noma cha, intfo lebeyingyo. Uma Ati kutsi bekunjani, impela Utokwati kutsi kuyobanjani. Anikukholwa loko na?

¹³⁷ Manje kwangatsi Angakupha kona, dzadzewetfu. Khona-ke tetsameli tonkhe titsite batokholwa.

¹³⁸ Futsi nine nami, tihambi, ndzawonye, futsi nje nihlangane lapha ngalesikhatsi lesi; wena lome lapho, kukhona lokungalungi. Angati kutsi kuyini. Angati. Ngoba angikwati, futsi ngingati kanjani kutsi—kutsi wawuyini, kutsi yini lebeyingalungi ngawe na? Kodvwa Nkulunkulu uyati kutsi yini lengalungi ngawe.

Manje hloniphani ngekutitfoba impela nje.

¹³⁹ Manje, lodzadze akekho lapha ngesingaye, kwekulala nje. Ulapha ngalomunye umuntfu; lowo ngulomncane. Futsi inenkhatsato nge... Inekugula kwemizwa impela. Yindvodzana lengumtukulu, ngiyakholwa, wakho. Futsi kunentfo lengakejwayeleki. Ngiyambona loyomntfwana edolobheni lokungesilo lelidolobha. Libukeka njenge New Albany. Kunjalo. Futsi unesimo sekwetfuka. Unentfo letsite lengalungi ngesibindzi sakhe, basho njalo. Kunalokunengi kuhlanta. Kunjalo. Uphatamisekile ngako, futsi umele lowo. Lowo ngu ISHO KANJE INKHOSI.

¹⁴⁰ Bani lijaji. Ngabe letotintfo tiliciniso na? [Lodzadze utsi, “Amen.”—Umhl.] Angati kutsi ngnitjele kutsini. Letheyiphu iyati. Iyasho. Itongitjela. Manje, yayiyalomunye umuntfu, ngandlela tsite. Beka leloduku etikwalomuny’umuntfu, lowawunalo esandleni sakho ngesikhatsi lologcobo lusetikwakho, futsi ungangabati, futsi utoba nako lolokucelako. Uma Ati kutsi kwakuyini, Uyati kutsi kuyobanjani. Ungangabati. Hamba, ukholwa.

¹⁴¹ Sawubona, mnumzane? [Lomnaketfu utsi, “Ayibongwe iNkhosi.”—Umhl.] Ngicabanga kutsi sitihambi lomunye kulomunye. [“Mbamba.”] Tsine sitihambi.

¹⁴² Utsite akazange angibone phambilini, emphilweni, kuze kuge ngumanje ekuseni. Manje, wonkhe umuntfu akahloniphe sibili manje. Lugcobo seluvele luyashaya manje, niyabona. Ngifisa kwangatsi bengingakuchaza loku.

¹⁴³ Kodvwa Nkulunkulu uyakwati, mnumzane. Futsi uma iNkhosi Nkulunkulu itokwembula kimi kutsi yini inkhatsato yakho, utoMemukela njengemphilisi wakho, noma uMsindzisi, noma ngabe yini loMdzingako? Utomemukela na? [Lomnaketfu utsi, “Impela ngitokwenta.”—Umhl.] Manje uma lombono ugadla, uyakulalela nje.

¹⁴⁴ Utama kuhambahamba phansi esiyilweni. Futsi kuyintfo lesedvolweni lakho. Sifo sekucacamba kwematsambo edvolweni lakho. Unenkhatsato, futsi, ngemehlo akho. Aya ngekuba butsakatsaka. Futsi unenkhatsato ngendlebe yakho. Futsi unenkhatsato esiswini sakho. Loko kuliciniso. Awusuye wakulelidolobha. Uwase-Somerset, eKentucky. Ligama lakho unguMnumz. Hudson. Manje buyela emuva, kholwa ngayo yonkhe inhlitiyo yakho, futsi utophiliswa. Kukholwe ngayo yonkhe inhlitiyo yakho.

¹⁴⁵ Uyakholwa ngenhlitiyo yakho yonkhe, wonkhe umuntfu na? Banini nekukholwa kuNkulunkulu. Ningangabati, kodvwa kholwani nje.

¹⁴⁶ INkhosi Nkulunkulu iyakwati, dzadze. Uyakholwa kutsi Angangembulela kutsi uteleni lapha na? [Lodzadze utsi, “Ngiyakholwa. Ngiyakwati.”] Uma Atokwenta, utokwemukela na? [“Yebo.”]

¹⁴⁷ Lomfo lomkhulu lohleti lapha, yebo, Ngikholwa kutsi sitihambi lomunye kulomunye, mnumzane. [Lomnaketfu utsi, “Yebo, mnumzane.”—Umhl.] Kodvwa emizuzwaneni lembalwa nje leyendlulile, ngesikhatsi ngikhulumna naleyondvodza, kukhona lokwenteke kuwe. Utsite enhlitiywani yakho, “Ngiyakukholwa loko.” Liciniso lelo, akusilo na? [“Amen.”] Uma iNkhosi Nkulunkulu itokwembula kimi loko lofuna kophiliswa kuko, utokwemukela na? [“Yebo.”] Uneluhlobo lolutsite lwekukhwehlela lolukukhatsatako. Kunjalo. Phakamisa sandla sakho. Kulungile. Uma nitokukholwa, awusayophindze ube nako. Kutosuka kini. Kukholwe.

¹⁴⁸ Utsintseni na? Wenteni na? Utsintse umPhristi loMkhulu, hhayi mine. Loko kunga...Angikaze ngiyibone lendvodza. Angati lutfo ngayo.

¹⁴⁹ Uyakholwa kutsi nguJesu lovukile na? Ngabe lena akusyo yini intfo lefanako Layenta emvakwekuvuka kwaKhe, kufakazela kutsi BekanguYe lofanako na? Labanye batsi, “Hlolo luni lwemoya lolo na?” Umoya uyohlala njalo utifakazela wona lucobo. I... Singemagala; UnguMvini. Umvini welitsanga uyotsela ematsanga; umvini wemagilebisi uyotsela emagilebisi; sihlahla semahhabhula siyotsela emahhabhula. Imphilo yemKhristu iyotsela Khristu. Akusyo intfo lengakejwayeleki.

¹⁵⁰ Emehlo akho aya ngekuba mabi, futsi ufunu umkhuleko weliso lakho. Kunjalo, akunjalo na? Kunjalo. Phakamisa sandla sakho. Uyabona, angikwati, kodvwa Nkulunkulu uyakwati. Kodvwa imphilo yakho, bewungeke ufihe.

¹⁵¹ Lapha, ngibona lenye intfo letsite, sibhedlela. Manje umzuzwana nje. Akusiko kuhlolwa kweliso. Akusiko. Kukuhlindvwa. Akusuwe. Ngumngani wakho, lobe nekuhlindvwa. Futsi leyo yintfo letsite, kuhlindvwa lokudzabukile, futsi uyesaba ngako, ngoba uyat kutsi bekuyintfo leyehlukile ekudzabukeni. Kunjalo. Loko bekuSeCorydon, e-Indiana. Liciniso lelo. Uyakholwa manje ngenhlitiyo yakho yonkhe na? [Lomunye dzadze utsi, “Impela ngiyakholwa.”—Umhl.] Hamba, futsi wemukele loko lokucelile, eGameni leNkhosi Jesu.

¹⁵² Ngiyabati buso bakho. Uma nginga mis... Kusobala, lolu lugcobo, niyabona. Kodvwa, lokukhulu lengikukhumbulako, awusuye umshumayeli na? Uyabona, bengifuna kwati nje, kuze li-libandla libone kutsi akusilutfo... Kuyintfo letsite

nje, uma ngati nomangubani, ngi—ngiyabati. Kodvwa angati kutsi ute mayelana nani lapha. Anginalwati. Uma-loko kunjalo, phakamisa sandla sakho. Angati kutsi utele ini lapha. Kodvwa ngiyati kutsi ungumshumayeli lovela ngaphandle ngase Blackiston Mill, noma ndzawanatsite ngephandle lapho. Ngoba, ute endlini yami ngalesinye sikhatsi, ngiyakholwa, kutsi kukhulekelwe luswane noma lokutsite. Ku... Ya. Ngiyati kutsi kwakuyintfo letsite ngeluswane. Ya.

¹⁵³ Kodvwa uphetfwe ngulolunye luhlobo lwenkhatsato etibilini takho. Ake ngikutjele, khona-ke utokwati kutsi ngiyinceku yaNkulunkulu noma cha. Unalomunye enhlitiywani yakho, kutsi akhulekelwe, futsi leyo yintfombatane lekhubatekile. Ayikho lapha. Ingesheya kwemfula. IseKentucky. Manje kholwa ngayo yonkhe inhlitiyo yakho, ungaba nako loko lokucelako. Amen.

¹⁵⁴ Uyakholwa na? Uma ungakholwa, ungemukela. Ungangabati. Kutsiwani ke ngemuva etetsamelini? Niyakholwa na?

¹⁵⁵ Emuva le lapho, dzadze lolikhatalsi lohleti ekhatsi nje ngesencele, unekuphatamiseka kwebesifazane, ahleti ekhatsi, ngesencele. Uma ukholwa ngenhltiyo yakho yonkhe, dzadze, ungaba nako kophiliswa kwakho. Uyakukholwa? Kunjalo. Lodzadze lolikhatalsi lohleti ngasensiken, eceleni kwendvodza. Uphakamise sandla sakhe manje. Unenkhatsato yebesifazane. Kulungile. INkhosi Nkulunkulu seyikuphilisile, dzadze. Kukholwa kwakho kukusindzisile.

¹⁵⁶ Anikuboni loko kuKhanya kulenga etikwalowo wesifazane lapho na? Bukan lapho.

¹⁵⁷ O, kumangalisa kanjani pho! INkhosi Nkulunkulu ayehluleki. Hloniphani. O, ngijabula kakhulu kutsi Iyaphila. Iphila enhlitiywani yetfu.

¹⁵⁸ “Uma ungakholwa nje, tonkhe tintfo tingenteka.”

¹⁵⁹ Ngicabanga kutsi sitihambi lomunye kulomunye. Angikwati wena. Angikaze ngikubone. Kodvwa Nkulunkulu uyakwati. Uma ngake ngakubona, bengigati. Kodvwa uma iNkhosi itokwembula kimi kutsi umele ini lapha, utongikhola kutsi ngiyinceku yaKhe, ukholwe kutsi Urukile kulabafile na? Uma sitihambi, kutodzingeka kube nalolunye luhlobo lwemandla lolukwembulako kimi, loko lokutele lapha. Ulapha nganca yemtsambo locumbile lowukhulekelako. Kunjalo.

¹⁶⁰ Manje khulekela lomunye umuntfu, futsi utfole kutsi ngiyinceku yaNkulunkulu yini. Khulekelani nje lomunye umuntfu, futsi nibone kutsi Angakwembula yini.

Niyakukholwa na?

¹⁶¹ Yebo-ke, unekwetfuka, futsi unenkhatsato yetinso. Futsi uhlala eCorydon. Kunjalo, akunjalo na? Khona-ke, uyakholwa na? Manje hamba futsi wemukele njengoba nje ucelile.

¹⁶² Ngiciancela. Ngiphonsela insayeya kukholwa kwenu kutsi nikukholwe. Nomakuphi kulesakhwi, akunandzaba kutsi nikuphi, kukholweni nje.

¹⁶³ Yonkhe indlela lengemuva, lensizwa leme emuva lapho, ikhulekela umngani wayo loseFort Wayne, loyimphumphutse. Uyakholwa kutsi Nkulunkulu utomphilisa? [Lomnaketfu utsi, "Amen."—Umhl.] Kulungile, khona-ke ungaba nako.

¹⁶⁴ Labanye benu emuva lapho, kholwani. Emuva le, emuva le, kholwani. Insayeya, Kuphonsele insayeya. Nkulunkulu bani nesihawu.

¹⁶⁵ Lodzadze lolikhala tsilo hleti phansi ngco ngaphansi kwakho lapho, nelitfumba. Uyakholwa kutsi iNkhosi itokuphilisa, dzadze; khona ngco esitulweni lesingemuva, esitulweni lesingemuva ngco emuva lapho, lesincane, ugcoke sigcoko lesiyindingilizi, uphakamisele sandla sakhe etulu? Uyakholwa kutsi Nkulunkulu utokuphilisa kulesosimila? Uma ukwenta, phakamisa sandla sakho futsi usijikitise kuYe. Kulungile. Khona-ke yani ekhaya futsi usindze.

O, Uyamangalisa!

¹⁶⁶ Nangu dzadze lohleti khona lapha ngembili kwakhe, lohleti ngekhatsi, emuva kancanyana nje. Ukhulekela lomunye umuntfu. Nayo ke iNgelosi yeNkhosi ime ngakuye. Nalowomngani wakhe, lokhuleka... lamkhulekelako, akahlali lapha. Kusedolobheni leliniane lapho kunencumbi yetihlahla tesipheshula yonkhe indzawo. Leyo yiHenryville, e-Indiana. Futsi ukhulekela sikoni wakhe lonenkhatsato yenhlitiyo. Ungakukholwa na? Uma ungakukholwa, uhleti emuva lapho, bani nekukholwa kuNkulunkulu futsi ukwemukele. Kulungile.

¹⁶⁷ Kulungile, dzadze. Usihambi kimi. Angikwati, kodvwa Nkulunkulu uyakwati. Uma ukukholwa, phakamisa sandla sakho, dzadze. Lodzadze lofake tibuko lapho. Kulungile, nako-ke.

¹⁶⁸ Ucabangani na? "INkhosi Nkulunkulu wetfu, UnkuNkulunkulu." Akafi. Akafi, kodvwa Uyaphila. Futsi Akaphili nje kuphela, kodvwa Ukhona la.

Ngabe lena yi... [Lomunye utsi, "Yebo."—Umhl.]

¹⁶⁹ Ngabe sitihambi lomunye kulomunye, ngiyacabanga? Loku kuhlangana kwetfu kwekulala, ngiyacabanga. Kodvwa Nkulunkulu usati sobabili. Wesabani kangaka? Futsi yekela lokucabanga ngalawomaphunga nemakha, nakanjalonjalo. Suka kuko. Mkholve nje Nkulunkulu. Ngikutfole nje engcondvweni yakho. Buyelani ekhaya futsi usindze, uma ukukholwa.

¹⁷⁰ Bewunenkhatsato letsite. Ngiyakubona ungena futsi uphuma esibhedlala; kanye, kabilo, emahlandla lamatsatfu, kuhlindvwa. Futsi loko kwaku kwalelobhobho. Timila, kanjalo,

ebhobheni. Futsi awusuye wakulelidolobha. UwaseKentucky. Futsi uvela edolobheni lengike ngaya kulo, eCampbellsville. Nkkt. Vaughn, buyela emuva, futsi uKukholwa. Ungaba nako lolokucelako.

¹⁷¹ Uyakholwa ngenhlitiyo yakho yonkhe na?

¹⁷² Uyafuna kuhamba uyodla kudla kwakho kwakusihlwa futsi yendlule lenkhatsato yesisu na? Kulungile, chubeka. Bani nekukholwa kuNkulunkulu.

¹⁷³ Ufuna kwendlula lesosifo sekucacamba kwematsambo futsi usindze? Chubeka nje uhambe ngendlela yakho, ukukholwe.

¹⁷⁴ Uyakholwa kutsi Nkulunkulu utoyiphilisa leyonkhatsato yenhlitiyo na? [Lomunye umfo utsi, “Impela.”—Umhl.] Hamba ngendlela yakho. Uyakukholwa.

¹⁷⁵ Lendvodza lehleti khona emuva lapha ekugcineni, nelihembe lelimhlopho. Cha, lowo nguMnaketfu Funk. Kusemvakwakhe nje. Ufuna umbhabhatiso waMoya loNgewe, awuwufuni na? Kulungile. Uma utoMkholwa, ungaMemukela. Amen.

¹⁷⁶ Ucabangani, lodzadze lomncane lohleti lapha lonesifo sekucacamba kwematsambo, angibuka ebusweni na? Wena, uvela eMiddletown, e-Ohio. Ufuna kukukholwa na? Loko kukholwa lokuhle, kwemuntfu longesuye ngisho umKhristu. Awutisho kutsi ungumKhristu. Kunjalo. UyaMemukela manje njengeMsindzisi wakho na? UyaMkholwa futsi utoMemukela njengeMsindzisi wakho, iNkhosi levukile na? Angikwati wena. Angikaze ngikubone. Kunjalo. Kodvwa uma utoMemukela njengeNkhosi yakho levukile, khona manje enhlitiyweni yakho, tono takho titsetselelw, naNkulunkulu utokuphilisa. Phakamisela sandla sakho kuYe futsi uMkholwe. Kulungile. Chubeka ngendlela yakho, futsi utfokote.

Ngiphonsela kukholwa kwakho insayeya. Ngikuphonsela insayeya kutsi ukukholwe.

¹⁷⁷ Sitihambi lomunye kulomunye, kodvwa Nkulunkulu uyakwati. [Lomnaketfu utsi, “Ngiyakwati, kodvwa wena awungati.”—Umhl.] Uyangati, kodvwa mine angikwati. Ngabe nguloko na? Uyakholwa kutsi Nkulunkulu angangembulela kutsi utele ini lapha? [“Amen.”]

¹⁷⁸ Kulungile, bangakhi labatokukholwa na?

¹⁷⁹ O, ungahlala kanjani ungakukholwa? Nkulunkulu angeke yini... Ngabe Nkulunkulu wake wawavula emehlo akho? Labanengi benu bantfu lapha niyangati. Ngakhuliswa nani lapha. Beninga... Ngibuyele emuva entasi emphilweni yami, futsi ngitfole kutsi ngabe noma yini leke yashiwo kodvwa besekufezeke ngalokuphelele kutsi kuliCiniso. Kuhbole futsi ubone kutsi kungiko yini.

¹⁸⁰ Yebo-ke, yini lelenginitjela yona? Jesu Khristu uvukile kulabafile. Uyaphila. Ulapha. Leli liPhasika. Futsi sekube

liPhasika iminyaka letinkhulungwane letimbili. Kodvwa kuKhanya kwakusihlwa sekuyakhanya manje. Kwakhanya eMphumalanga ngalesosikhatsi, kukhanya eNshonalanga manje.

¹⁸¹ Mnumzane, loku bekungachubeka ema-awa. Uma lendvodza itsi angiyati... Ingibonile mhlawumbe emhlanganweni ndzawanatsite noma kulenyen indzawo. Angati. Nkulunkulu uyati. Angati. Angati lapho ngike ngambona khona. Angati njengoba ngake ngambona. Kodvwa utsite uke wangibona. Uma Nkulunkulu atokwembula kuleyandvodza, intfo layatiko, njengoba nje Filiphu wahamba wayolandza Nathanayeli futsi wamletsa, bangakhi labatotsi, “Kutokucatulula ingunaphakadze, kimi”?

¹⁸² Ungasiphakamisa sandla sakho, kutsi angikwati. Phakamisani tanda tenu nje uma nginganati, angati lutfo ngani. Angati lutfo ngawe, angikaze ngikubone emphilweni yami, ngekwati kwami.

¹⁸³ Manje, uma Nkulunkulu atopha loku, bangakhi labatotsi, “NgitoMemukela khona manje njengeNkhosi levukile, njengemphilisi wami”?

¹⁸⁴ Kukuphilisa, ngeke sengikhone, mnumzane. Anginamandla ekuphilisa. Intfo kuphela lenginayo sipho Nkulunkulu langivumela kutsi ngisente.

¹⁸⁵ Futsi manje loku sengikhatsale futsi ngibutsakatsaka, lemibono lena icishe ingibulale. Kubi kakhulu, kulukhumi kakhulu kunekushumayela, noma kuma echibini. Kulukhuni. Kodvwa Nkulunkulu muhle.

¹⁸⁶ Uphetfwe yintfo lengalungi emgogodleni. Futsi leso simila, bayakutjela kutsi, sisemgogodleni wakho. Loko kunjalo impela. Manje utokholwa na?

¹⁸⁷ Manje bukani. Ngesikhatsi ngichubeka nekukhuluma nalendvodza, lokunengi kutoshiwo. Ngifuna kukubuta manje, hloniphani ngekutitfoba nje. Hloniphani. Khulekela umuntfu lotsite, futsi ubone kutsi iNkhosi itokwembula yini. Ngitocela nomangumuphi wenu kutsi ente intfo lefanako, ngenani nje emcondvwensi wenu.

¹⁸⁸ Ngani, niyabona, akukho lutfo kimi. Beningeke ngikhone kukusita. Ngingumunfu.

¹⁸⁹ Futsi, kodvwa Jesu unguNkulunkulu, futsi Ukhona. Ungeke wa... Ngabe emehlo akho avulekile ku–kubona loko na? Anibuki yini ngale kwelikhethini, kubona na? Iminyaka letinkhulungwane letimbili, Bekalapha; Ukhulume nani, eVini; Ukhulume nani, enshumayelweni yenu, sonkhe lesikhatsi. Futsi Nangu lapha manje, Atenta abonakaliswe.

¹⁹⁰ Ngitama kunibamba enhlitiyweni yami. [Lomnaketfu utsi, “Licololo lami liyangikhatsata.”—Umhl.] Yebo, ngiyakubona

uhloliwe. Kusemogogodleni wakho. Simila. Futsi ukhulekela umkakho. Uma Nkulunkulu atongikhombisa kutsi yini lengalungi kumkakho, utongikhola waKhe na? Tindlebe takhe. Hhayi loko kuperha, kodvwa ngibona insizwa ibonakala. Leyo yindvodzana yakho. Uma Nkulunkulu atokwembula kimi kutsi yini indzaba ngendvodzana yakho, utongikhola kutsi ngingumprofethi waKhe na? Tetsameli titokukholwa na? Mfana, lapha, simo sekwetfuka nesimo sesikhumba. Kunjalo impela. Loyo ngu ISHO KANJE INKHOSI. Uyakhola kutsi uyakwemukela loko lokucelako na? [Lomnaketfu utsi, “Amen.”—Umhl.] Khona-ke hamba ngendlela yakho futsi utfokote.

¹⁹¹ Bangakhi lokholwa ngayo yonkhe inhlitiyo yakho na?

¹⁹² Manje ngifuna ningentele lokutsite. Bekani tandla tenu etikwalomunye nalomunye, umzuzu nje. Nje noma ngabe ume kuphi, bekani tandla tenu etikwalomunye nalomunye.

¹⁹³ Sikhatsi lesinje pho! Aniboni, bangani na? Anicondzi yini kutsi loku kutsi ngeke kube ngimi na?

¹⁹⁴ Yebo, lodzadze lomncane ulapho lofake tibuko, lonenkhatsato yebesifazane, loko lokuphumako. Ungabe usakhatsateka ngako, nhlobo, uhleti lapho. Sekuphelile. Kugucuke kwaba kuKhanya. Sekuhambile kuwe.

¹⁹⁵ Ikhona intfo lekhona; Intfo lengetulu kwemvelo, Intfo lengiyo sibili. Wati tono takho. Wati konkhe ngawe. Ngabe Akasuye yini iNkhosi Jesu na? Khona-ke, ngiyakutjela. Uma nginitjеле kutsi loko kuliciniso, futsi Ukufakazele kutsi kuliciniso, nginitjela liciniso manje. Nonkhe ningaphiliswa khona manje, uma nje nitokwemukela; hhayi kusuka enhloko yenu, kodvwa kusuka enhlitiyweni yenu. Uma nitokucatulula manje, kutsi niseBukhoneni baNkulunkulu lonemandla onkhe, kutsi Ukhona manje, asikho sidzingo semunfu lobutsakatsaka kutsi aphume kulesakhwiwo lesi. Sonkhe singaphuma siphile saka, uma nje nitokukholwa. Uma Eva umkhuleko wami lapha, Utowuva umkhuleko wami ngephandle lapho. Akeva nje wami kuperha umkhuleko, Utowuva umkhuleko wakho.

¹⁹⁶ Manje, liBhayibheli latsi, “Unguye itolo, namuhla, naphakadze.” Ukufakazele loko. LiBhayibheli latsi, “Wavuka kulabafile.” Ukufakazele loko. Ngabe kunjalo na?

¹⁹⁷ Manje ngifuna kunibuta lokutsite. Jesu washo loku, emaVi aKhe ekugcina ngaphambi kwekutsi Ashiye umhlaba, “Letibonakaliso leti tiyobalandzela labakholwako.” Mangakhi emakholwa ekhatsi lapha na? Tsanini, “Amen.” [Libandla litsi, “Amen.”—Umhl.] Ulikholwa manje. “Letibonakaliso leti titobalandzela labakholwako. Uma babeka tandla tabo etikwalabagulako, batosindza.” Ngabe leso setsembiso sicinisile na? Yebo-ke, ningemakholwa. Nibeke tandla tenu etikwalomunye nalomunye. Khona-ke, liBhayibheli licinisile.

¹⁹⁸ Manje ngamunye wenu khulekelanani, ngendlela nje lenenta ngayo ebandleni lenu lucobo. Bekani tandla tenu etikwalomunye nalomunye, ngamunye nikhulekelane, nisabeka tandla tenu etikwalomunye nalomunye manje. Khulekelanani nje, ngisakhuleka manje.

¹⁹⁹ O Nkhosi, uma Uta kusihlwa futsi wemukela liBandla laKho, asina kutilandvulela. Ulapha. Futsi njengoba lesitfombe lesi silenga elubondzeni, lweNsika yeMlilo leyahola bantfwana baka-Israyeli, Usenguye Nkulunkulu lofanako kusihlwa, ngemandla lafanako netibonakaliso letifanako. Uvukile kulabafile, futsi lobu bufakazi bekutsi Uvukile kulabafile. Manje, Nkhosi Nkulunkulu, yenta umsebenti lomkhulu etinhltiyweni tebantfu. Tsetselela sonkhe sono, futsi upholise konkhe kugula. Phendvula imikhuleko yabo, Nkhosi. Futsi manje vani umkhuleko wenceku yaKho.

²⁰⁰ Manje ngilahla sonkhe sifo, lonkhe lidimoni, onkhe emandla adeveli; futsi atsi kudeveli, "Phuma kulabantfu laba. Phuma kubo, eGameni laJesu Khristu, iNdvodzana yaNkulunkulu. Yekela labantfu laba. Babeke tandla tabo etikwalomunye nalomunye. Batinceku taNkulunkulu. Phuma, Sathane. Ngiyakuyala, eGameni laJesu. Phuma, futsi uphonswe ebunnyameni, futsi ungasaphindze ubahluphe. EGameni laJesu Khristu."

²⁰¹ Bangakhi kini labakholwako kutsi Nkulunkulu uniphilisile njengamanje na? Sukumani nime ngetinyawo tenu. Uma ningulokhubatekile, sukumani noma kanjani. Nguloko-ke. Anginitjelanga yini, nitobona inkhatimulo yaNkulunkulu na? Uma kuhkhone noma ngutiphi tishosha ekhatsi lapha lebetingakwati kuhamba, tehla tenyuka emkhatsini wetitulo. Uma akhona lapha lobekangeva etindlebeni kuyinr indlebe, faka umuno wakho kulendlebe lekahle futsi ulalele ngalena lekabi. Noma ngubani lapha lobekahlaselekile, longakakhoni kuphakamisa sandla sabo; basukume. Khristu... Bukani le— bukani letandla letiphakamako, lobekahlaselekile esandleni sabo. Amen. Ngatsi Ulapha.

²⁰² Kulungile, Dzadze Gertie.

Uyaphila, Uyaphila, Khristu Jesu uyaphila
namuhla!

Uhamba nami futsi Ukhulumu nami ngendlela
lencane yekuphila.

Uyaphila, Uyaphila, kuniketa insindziso!

Ungibuta kutsi ngati kanjani kutsi Uyaphila?
Uphila ngekhatsi kwenhlitiyo yami.

²⁰³ Futsi, wonkhe umuntfu!

Uyaphila, Uyaphila, Khristu Jesu uyaphila
namuhla!

Uhamba nami, Ukhulumu nami ngendlela
lencane yekuphila.

Uyaphila, Uyaphila, kuniketa insindziso!

Ungibuta kutsi ngati kanjani kutsi Uyaphila?

Uphila ngekhatsi kwenhlitiyo yami.

²⁰⁴ Akutsi letetsameli leti letinkhulu titsi, “Haleluya!” [Libandla litsi, “Haleluya!”—Umhl.] INkhosi iyaphila! “INkhosi iyaphila!” Alidvunyiswe liGama laKhe! “Alidvunyiswe liGama laKhe!” Haleluya! “Haleluya!”

Uyaphila, Uyaphila,

Asijikitisele tandla tetfu kuYe.

...Jesu uyaphila namuhla!

Uhamba nami, Ukhulumu nami ngendlela
lencane yekuphila.

Uyaphila, Uyaphila, kuniketa insindziso!

Ungibuta kutsi ngati kanjani kutsi Uyaphila?

Uphila ngekhatsi kwenhlitiyo yami.

²⁰⁵ Bangakhi labalitsandzako leloculo lelidzala, tsanini, “Amen!” [Libandla litsi, “Amen!”—Umhl.] Chawulana nemuntfu losedvute nawe. Utsi, “Ayibongwe iNkhosi! Ayibongwe iNkhosi!” Ayibongwe iNkhosi! Ayibongwe iNkhosi!

Kulungile, *Lukholo Lwami Lubuka Etulu KuWe*. O, lokunjewon- . . .

...kukholwa kubuka etulu kuWe,

Wena Wundlu laseKhalvari,

Msindzisi webuNkulunkulu;

Manje ngive ngisakhuleka,

Susa lonkhe licala lami,

O akutsi mine kusukela namuhla

Ngibe waKho wonkhe!

²⁰⁶ Asikhotsamise tinhloko tetfu manje, ngekuhlonipha, eBukhoneni baNkulunkulu lonemandla onkhe naLonemandla onkhe. Kwangatsi iNkhosi Nkulunkulu ingasipha sibusiso saYo kulowo nalowo. Kwangatsi iNkhosi inganibusisa, ngamunye wenu, ngalokucebile, inganipha lokuhle lokwendlula konkhe lokukhona. Kwangatsi umusa waKhe ungaphumula etikwenu, wonkhe umuntfu aphakamele kuphiliswa kwakhe. Ungalokotsi ukuphike. Labanengi usindzisiwe. Labanengi bemukela Khristu. Khristu embula timfihlo tenhlitiyo.

²⁰⁷ Siyakumema emuva, tihambi, etabernakeli letfu, ekukhonteni kwetfu.

²⁰⁸ Ngihlabele sikhashanyana nje, kuze lolugcobo lutsi kungishiya umzuzu, kute ngikhone kukhuluma. Ngiyajabula

kutsi benilapha. Kube lusuku lolukhulu kuba nani. Nkulunkulu anibusise.

²⁰⁹ Etabernakeli, ngeliSontfo lelitako ebusuku sidlosenkhosi, kugezana tinyawo. Noma ngumuphi wenu bantfu kubomakhelwane, manini futsi nisibone. Sikhulekeleni site sibonane futsi.

²¹⁰ Asikhotsamise tinhloko tetfu manje. Sitocela umfundisi, asikhiphe, noma asho loko lakufisako.



BUFAKAZI BEKUVUKA EKUFENI SSW58-0406E
(The Evidence Of The Resurrection)

LoMlayeto ngeMnaketfu William Marrion Branham, kwekucala wetfulwa ngesiNgisi ngeliSontfo lePhasika kusihlwa, ngenyanga yaMabasa 6, 1958, eTabernakeli laBranham eJeffersonville, eIndiana, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org